

Lajčák, Coppola: Reforma policije trenutno je najveći prioritet

Visoki predstavnik i specijalni predstavnik EU, Miroslav Lajčák, i šef Policijske misije EU u BiH, Vincenzo Coppola, sastali su se danas u Sarajevu kako bi razgovarali o načinima ponovnog pokretanja policijske reforme, što bi Bosni i Hercegovini omogućilo potpisivanje Sporazuma o stabilizaciji i pridruživanju.

Od Bosne i Hercegovine se traži konkretan napredak u reformi policije do septembra, kako bi se spriječilo njeno dalje zaostajanje za susjednim zemljama na putu ka Evropi.

“Trenutno nema većeg prioriteta za Bosnu i Hercegovinu,” rekao je visoki predstavnik i specijalni predstavnik EU. “Za Evropsku uniju to pitanje je jasno. Mi smo uradili svoj dio posla i sada čekamo da Bosna i Hercegovina provede potrebne reforme kako bi ispunila uslove za potpisivanje Sporazuma o stabilizaciji i pridruživanju.”

Reforma policije je jedna od još uvijek neprovedenih reformi koje se od Bosne i Hercegovine traže da bi mogla potpisati Sporazum o stabilizaciji i pridruživanju sa Evropskom unijom. Riječ je o tehničkom pitanju koje bi se moglo riješiti brzo.

“Reforma policije je od ključne važnosti ne samo za evropsku budućnost Bosne i Hercegovine nego i za sigurnost njenih građana,” rekao je general Coppola. “Reforma policije donijeće bolju strukturu i teritorijalno efikasnu policiju. Podrška EUPM-a procesu policijske reforme će nastaviti.”

General Coppola je također šire prezentirao rad EUPM-a u

Bosni i Hercegovini.

Visoki predstavnik i specijalni predstavnik EU i general Coppola dogovorili su se da tijesno sarađuju na unapređenju procesa policijske reforme i drugim srodnim pitanjima.